

斯道養三只坤

6  
165

東泉園香韻

二册	三五号	四架	六函	易類
----	-----	----	----	----

一九

東京  
書館  
香

斯道贅言坤

第七章

靜岡

村松良肅撰著

長阿含經曰、劫初天地欲成、大水彌滿、風吹結構、以成世界、而人類之初、皆悉化生、歡喜爲食、身光自在、神足飛行、無有男女尊卑、衆共生、故謂衆生、後有自然地味、甜如蜜、衆生嘗之、漸成搏食、而其身光轉滅、無復神通、地味消滅、又生地皮、地皮亦滅、又生地膚、因次第食之、衆生漸生、諸惡法、地膚

亦滅後有自然粳米不加調和備衆美味衆生食之始爲男女形遂生慾想自然粳米朝刈暮熟暮刈朝熟時有衆生併取日糧乃至併取五日糧者粳米漸生糠糲刈已不復生故各封田地以分疆畔後又有藏已米盜他田穀者因衆議立一平等主善護人民賞善罰惡者各共減割以供給之於是始有民主之名焉初民主有子名珍寶父子繼業三十三世而至善思善思之後有十族轉輪聖王第一伽菟至第十懿摩各支胤別緒從懿摩六

世以至淨飯王淨飯王即釋迦之父也蓋天竺之人種有四焉一曰刹帝利此王族也二曰婆羅門此教家也三曰毘舍此商也四曰首陀此農也婆羅門釋淨行即修道宣教之徒也毘婆沙論曰大梵天王造化一切天地人物又曰梵天王一切衆生之祖父作一切有命無命之物品故衆生之爲善者生之天堂爲惡者墮之地獄是婆羅門布教之大要也婆羅門之最者曰衛世師先於釋迦氏凡八百年其後婆羅門之流派益多及至釋

迦氏之時已有九十五種云而婆羅門之法有奉  
天地者有祭日月者有事水火者皆言修苦行以  
求生於天也是乃天竺古來之教法也釋迦氏始  
說無上正覺之法欲遠出乎衆教之上故指婆羅  
門概謂之外道也釋迦牟尼者迦毗羅施兜國淨  
飯王之太子也母摩耶夫人夢菩薩乘白象來從  
右脇入於胞胎而孕焉四月八日夫人遊藍毗尼  
園見無憂樹花欲舉右手摘之太子漸漸從其右  
脇出于時樹下生七寶七莖大蓮華太子即墮蓮

華上渾身黃金色具三十二相八十種好形放大  
光明自行七步爲獅子吼我於一切天人之中最  
尊最勝此生利益一切天人當爾之時所感之瑞  
應甚多王將太子往詣天寺梵天形像皆從座  
起禮太子足而語王言今此太子天人中尊虛空  
天神皆悉敬禮云何來此禮我乎即名太子爲薩  
婆悉達悉達童幼智慧勇健通曉諸藝及長愍傷  
世間有生老病死憂悲苦惱屢請出家修道度一  
切苦厄父王不許而悉達志益堅年十九二月七

其通書  
三  
日夜遂潛脫出城門爲獅子吼言我若不爲衆生  
斷生老病死憂悲苦惱終不還宮我若不得阿耨  
多羅三藐三菩提不還與父王相見乃至跋伽仙  
人之處觀諸仙人苦行便問汝等爲此苦行欲求  
何等果報耶仙人答言爲欲生天也悉達曰諸天  
雖樂福盡則復輪迴六道終爲苦聚汝等所修亦  
唯求苦報耳遂去到阿羅邏迦蘭仙人之處問斷  
生老病死之法仙人答曰若欲斷此苦先當持戒  
行修禪定離色想入空處離諸相入非想非非想

處是名解脫悉達問曰非想非非想爲有我乎爲  
無我乎若言無我不應言非想非非想若言有我  
我爲無知乎我爲有知乎我若無知則同木石我  
若有知則有攀緣既有攀緣則有染著以染著故  
非真解脫若能除我及我想一切盡捨則是爲真  
解脫二仙人語塞悉達已調伏二仙人進至伽闍  
山於尼連禪河測靜坐難行六年或云十二年魔  
主波旬欲壞其淨行百方迫惱遂不能令動二月  
七日夜降伏諸魔已入定思惟真諦卽知老死以

生爲本若離於生則無老病死苦此生不從天生  
不從自生明星出時霍然大悟得阿耨多羅三藐  
三菩提如來聖果已成時年三十歲矣以神通洞  
見三世觀察人天諸相成一切種智如意自在時  
魔王波旬既去諸夫善神皆來擁護請轉法輪佛  
便於波羅柰國鹿野苑初轉大法輪乃爲說曰凡  
世間有形無形一切衆生無不悉有生老病死種  
種苦厄如是諸苦皆由我貪瞋癡三毒而生以此  
皆輪迴三有譬如以灰覆於火上若遇乾草還復

燒然若能滅我想及三毒修四諦十二行法輪如  
以水澆火諸苦從此而斷又說五陰法曰色不異  
空空不異色色即是空空即是色受想行識亦復  
如是又說佛法僧三歸依之法於是世間三寶具  
足爲諸天人第一福田聽此等法者皆漏盡意解  
得阿羅漢果爾時諸天神於虛空中讚歎燒衆名  
香散衆妙花世界之中自然大明比丘之得阿羅  
漢果者已有五十六人佛告諸比丘汝等所作既  
堪爲世間作上福田宜各遊方教化以度諸衆生

而佛獨趣摩竭提國度脫迦葉兄弟三人及舍利弗目犍連等皆已從佛出家佛將諸比丘往王舍城頻婆娑羅王與諸大臣將詣佛處時空中有聲言如來今在某林中是諸天人最上福田宜應恭敬供養佛爲說情塵識因緣佛又到本國迦維羅衛城見於父王王及羣臣咸皆欣躍萬邦黎庶咸來慶賀凡佛所到之處諸天神擁護現諸瑞應則地爲大動天雨衆華枯樹結華竭溪生泉盲者得視聾者得聽拘躄得行病者得愈瘡者得言僂者

得伸狂者得正莫不歡喜佛善知人之機根隨順攝受故聽其法者莫不隨歸焉爾來四十九年間說法宣教濟度衆生無量年已七十九二月十五日遂於拘尸那城娑羅雙樹間示禁涅槃阿那律阿難等到天冠寺以衆名香焚之八國之王來請分其舍利還各起塔禮事供養云蓋佛之所教其要三焉曰戒曰定曰慧戒者所以制心也定者所以靜心也慧者所以明心也故學即心也心即學也千萬方法悉自此而出焉佛滅後迦葉阿難等

五百人於七葉岩內結集三藏其他之比丘亦於  
岩外結集二藏於是始有大乘小乘之經後數百  
年大小乘分爲兩部又分爲十八部後六百年馬  
鳴出焉龍樹出焉探大乘之奧啟鐵塔之秘而佛  
法光燄又復熾於世矣蓋佛法之傳衣鉢自迦葉  
而下二十八傳至達磨爲東漸之運其流入漢土  
也蓋胎於前漢成於後漢盛於六朝梁武帝之時  
達磨來自天竺說教外別傳見性成佛之法六傳  
至慧能遂分爲七宗其入皇國也欽明天皇

十三年百濟國王獻佛像經論而始有佛教後慧  
灌傳三論道照傳唯識鑑真傳律慈訓傳華嚴最  
澄傳天台空海傳真言榮西傳禪此七宗者皆從  
漢土傳之爲本朝之宗源宗流雖如此支分其源  
皆從太小二乘法派出思練修證各執於其所得  
以立法幢而已譬猶群旨之摸大象也焉容優劣  
於其間乎其後源空倡淨土宗親鸞倡真宗日蓮  
倡日蓮宗而後我邦之佛教併爲十宗焉源空者  
元天台教之徒晚年有所見而始倡此宗教蓋源



空之意謂夫彌陀本願在於救衆生導之淨土故  
至誠專念信阿彌陀佛行住坐臥念念不忘唯心  
三昧謂之至心信樂即所謂心外無佛性外無土  
唯心淨土本性彌陀之真旨全在於此矣是道在  
邇不必求諸遠事在易不必求諸難者也此法最  
易知易從開導愚夫愚婦至簡之教也親鸞者源  
空之徒弟故其所說之旨無異於淨土宗而私察  
人情終不可遏之故澗然先衆啖肉畜妻修真諦  
之實證俗諦之權即亦體色即是空之義者也故

最易入之教也日蓮者出乎天台主法華經說一  
心三觀權實之妙新教一派亦緇流之一巨擘也  
凡此十宗皆各在弘宣教法濟度衆生而偏固狹  
隘之徒不勤修其本唯驚支末相牴牾誹謗戾祖  
師之本旨遠矣

### 第八章

西洋之古史曰元始時神耶和華創造天地  
乃虛曠淵面晦冥神之靈覆育於水面神曰  
渟有光即有光晝夜以分焉是爲元年第一日第

二日造天第三日造地第四日造日月星辰第五日造魚鳥昆虫第六日造獸類又照己像造人搏土作一男名曰亞當取亞當脇骨一片作一女名曰夏娃配爲夫婦以治地上萬物是人類元祖也神既造萬物至六日而化工全備至第七日乃安息焉初夫婦居埃田園神諭曰園中諸樹之果爾可任意以食惟別善惡樹爾不可食食之日必死夫婦秉性本善能守神諭無所謂罪後被魔鬼誘食神所禁之果而後人性始變惡亞當

子該隱殺其弟亞伯職是之由爾來後裔秉性皆惡蓋自天地開闢凡一千六百五十六年而世人之罪惡滔天於是神發義怒降洪水以湮滅人畜時惟挪亞能事神不爲惡故獨蒙神誥豫造巨舟載妻子及諸生物牝牡各一任其所漾越一百五十日七月十七日舟適攔亞喇臘山水復漸退至二月二十七日水涸地悉乾挪亞之妻子及諸生物初得出自舟栖止而後人民鳥獸昆蟲之類又次第蕃滋焉挪亞有三子長閃次含次雅

弗各散處於亞細亞亞弗利加歐羅巴之三州故  
 各洲之人民皆係於三子之裔云挪亞十世孫有  
 亞伯拉罕者居於亞細亞洲後去本國往迦南之  
 地是為猶太國之始祖亞伯拉罕生二子長以撒  
 次以實馬利以撒生二子長以掃次雅各雅各為  
 人巧捷要兄奪冢子之業欺父奪冢子之祝兄怒  
 欲殺之乃避適舅氏家娶其女生十二子是為十  
 二族總名曰以色列族皆居於迦南地 神以以  
 色列族為己民常保佑之後猶太國荒歉 神使

此族就食於埃及居四百年其族大蕃庶焉埃及  
 王忌之百方凌虐此族有摩西者 神使之率以  
 色列民出埃及歸於猶太既涉紅海王發兵趕之  
 不及摩西領眾蕩駐曠野四十年饑渴備嘗眾多  
 怨咨者摩西登西乃山得 神誥律例十誠以拜  
 真神不事偶像立教以約束眾民為之君師焉  
 十誠者何一曰我之外爾毋別有神二曰爾毋  
 作諸形像伏事之三曰爾毋妄稱 神之名四曰  
 爾必守安息日毋作諸工五曰敬爾父母六曰爾

其流者言如  
母殺<sub>レ</sub>人<sub>ヲ</sub>七曰爾母姦淫八曰爾母偷竊九曰爾母  
妄證爾鄰十曰爾母貪爾鄰之屋妻僕婢牛驢及  
凡所有者是也永以爲猶太國律例後之爲教者  
皆莫不賴焉爾來始有教法蓋歐洲各國之民俗  
既已有奉<sub>ニ</sub>真神者有崇偶像者有事太陽及火  
者有拜菩薩者而洋教之最翹翹者耶穌教也耶  
穌者猶太國人也父約瑟母馬利亞初馬利亞爲  
約瑟所聘未婚而孕約瑟欲私棄之<sub>ヲ</sub>神現夢曰  
毋疑娶爾妻歸其所孕者感於聖靈也時羅馬帝

新取猶太地封希律爲王令天下之民悉上籍故  
各邑人民各赴其本邑約瑟亦挈馬利亞歸伯利  
恒邑貧窶無親戚可寓便就馬廐產耶穌焉此夜  
有牧者在由天使忽然臨至曰吾報爾大喜之嘉  
音洪福庶民者即今日生於大關之邑者救世主  
基督也爾時率然大衆天軍偕天使頌讚<sub>ニ</sub>真神<sub>ヲ</sub>  
云榮歸<sub>ニ</sub>真神在上處地下太平人間恩和又天  
使托夢告約瑟曰起也抱嬰帶母奔異國待王崩  
之後蓋此時王欲殺諸嬰兒也因往埃及避之後

數年希律死約瑟又挈妻子歸拿撒勒邑居焉耶  
穌幼聰明敏捷人無能抗論年三十就約翰受洗  
禮約翰辭曰我應受洗於爾爾反就我乎已而耶  
穌臨河受洗之時由水而上天爲之聞見真神  
之靈如鴿降臨其上自天有聲言此我愛子吾所  
喜悅者也魔鬼撒但屢試耶穌耶穌不屈於是魔  
鬼遂去天使至而服事之後偕門徒周巡加利利  
地宣教誨初傳天國福音曰天國邇矣爾宜悔改  
信福音也又遣十二門徒於遍處宣道且諭曰我

遣爾似羊入狼中故巧捷如蛇丹心如鴿宜謹慎  
其能殺身而不能殺魂者勿懼惟能殺身連魂兼  
落地獄者必須畏之也又常教衆曰虛必者福矣  
哀慟者福矣溫柔者福矣飢渴慕義者福矣矜恤  
者福矣清心者福矣和平者福矣爲義而見窘遂  
者福矣爲我而受人詬誶窘逐惡言誹謗者福矣  
皆死後必歸天堂受永世之樂又諭曰天地不廢  
十誠律法不能廢古者有言勿殺殺則難免乎刑  
官然我誠語爾無故怒兄弟者難免乎地獄之火

古者有言勿淫矣、惟我語爾、見色而好之者、心已  
淫矣、設也、右目陷爾、於罪則、抉而委之、寧百體喪  
一、勿全身、投地獄、又曰、一心一意、應愛主爾  
之、真神、其次愛人、如己、亦猶此、是其教之綱領  
也、又能醫疾病、逐魔鬼、明瞽、甦死、多行神蹟、以此  
聲名藉遠近、群衆崇之、以稱基督、當是之時、哇喇  
噴、撒土、該教之徒、皆以耶穌爲異端焉、蓋哇喇噴  
教、謂天下萬事、皆有定數、即真神之命也、人死  
而其靈不滅、爲善者、升天堂、享福、爲惡者、墮地獄

受苦、撒土、該教不信、死後靈魂之果報、而謂無有  
天堂地獄、天使鬼神、人死則靈即滅、身無復活、不  
言命數、不重遺傳、蓋此二教、偕皆宗摩西、而奉舊  
約書者也、猶太國人多信此教、二教之徒、共謀欲  
陷耶穌、耶穌亦深忌此、教徒常謂曰、偽善之士子、  
哇喇噴人、其有禍乎、噫、哇喇噴人、其瞽乎、其不相  
容、若是、耶穌宣教詣京師、十二門徒之中、有猶大  
者、被魔鬼誘惑、約祭司諸長、以三十金、賣耶穌、耶  
穌亦已豫知其爲見賣、殊愛惜門徒、逾越節之夕、

親手濯門徒之脚，擘餅侑酒，愛情懇到。少焉猶大率兇黨來逼耶穌，遂擒之，牽到總督衙門。總督未決其死案，衆民呼喊請釘之。十字架總督徇民情，遂殺耶穌於十字架上。其死之時，日光爲昧，大地爲震，猶大亦悔自縊而死。後越三日，耶穌由死復活。一日耶穌來門徒之中，示手足之釘蹟，遂對門徒曰：天地之間，吾操萬權，且爾往去傳教，庶民行洗禮矣。便帶門徒上山祝福，畢昇天云：十二門徒中已缺其一，後擇保羅者以充其數。門徒奉耶穌

遺命四散，宣教勸衆曰：當信耶穌救罪，脫此惡世。且施洗禮，修祈禱，多顯異蹟，後皆爲人所害。善終者惟約翰一人而已。然亦備嘗苦艱矣。當時羅馬國君臣皆惡耶穌之教，入其教者亦多爲見殘害。耶穌降世二百年代，英吉利、佛蘭西、西班牙、日耳曼諸國間有稍信之者，爾來其教或興或衰。至三百年代，羅馬國王有孔士丹顛者，嘗出戰以耶穌教徒之助，得遂勝敵。因王始入其教，於是羅馬國內有三種之教法，一仍舊拜偶像如釋教然者，謂

之羅馬教一信兩約書壹拜耶穌者謂之耶穌教一拜偶像兼拜耶穌者謂之天主教初羅馬有京城後遷都於孔士丹顛邑以是有舊京新京之稱當時王擇僧四人置諸舊新二京及他處各爲教中主長而舊京之僧其權最大自稱天主教首勢殆熾於王矣後新京之僧其權勢亦漸大彼此互爭長兩班之僧遂分爲二派其在舊京者爲天主教焉其在新京者謂希臘教焉蓋孔士丹顛邑因本爲希臘國云爾當此之時羅馬國瓜分爲東西

二帝而西帝統以大利法蘭西西班牙英吉利日耳曼等之國東帝領希臘亞細亞西部亞弗利加等之諸國初羅馬之分也闔洲分裂各國有王皆信天主教聽命於京城之首僧天主教首之權勢益熾與各國王屢有戰爭歐邏巴洲內紛紛擾亂羅馬帝雖在天下政律皆悉出乎天主教首而羅馬西帝遂滅矣西羅馬之滅後百有餘年而回回之教始入於羅馬蓋回教之祖曰摩哈默以實馬利之後裔也五百七十一年生於亞抽伯國麥加



合猶太耶穌之二教取其衷新創一教宗焉蓋其  
教旨曰獨一真神欽差我我能奉天差其徒漸  
盛大侵代四隣回教之徒有撒拉生者自亞細亞  
入西班牙與天主教徒鬪互有勝敗後回教之徒  
遂取猶太國有耶路撒冷地方不許天主教之徒  
拜耶穌之墓於是耶教之徒有僧貝得者募歐州  
內之民合衆八十萬皆著十字徽號攻耶路撒冷  
之回教自一千九十餘年凡二百年之間曾無寧  
歲後世稱之謂十字軍及一千二百六十一年土

耳其王攻取孔士丹顛邑羅馬東帝又遂滅焉從  
此回教益盛而希臘教漸衰希臘教傳播俄羅斯  
國却盛于俄羅斯國然俄羅斯王自管理教務不  
專委之僧徒故迄今希臘教者俄羅斯王爲之教  
主云千五百年代歐洲又有一種教師其教蓋廢  
新約書中三位合一之說謂耶穌非神亦唯人也  
耳其徒又分五六派云千六百年代又有也疏依  
脫者奉天主教入漢土謂漢土載籍中所謂上  
帝者即我所稱之真神也吾天正年間洋教之

入皇國者亦也。疏依脫之徒云：夫洋教之分派，顯未如此，而彼以此為不正，此以彼為不正，自古迄今紛爭不已。誰知烏之雌雄，蓋其教本皆出乎摩西。耶穌之說，而其相是非，不啻敵視仇抗，執兵刃交相攻代。歐洲之戰爭，多職教宗，是因嗚呼以救人之道，反殘害人。真神之愛，果何在乎，吁傷矣哉。

第九章

夫釋迦氏、耶穌氏之教，其旨大同而小異也。其謂

敬真神者得景福，不愛真神者不得脫災禍。故燔祭善事，真神者可蒙神之救助。是洋教綱領而泰西古來之舊訓也。舊約書創世記備言之焉。至於其交說天堂地獄之義，則竟非洋教之舊也矣。故摩西以利亞、耶利米之輩，嘗無一言及于此也。及至耶穌氏之時，則已有言之者。故新約書中亦主而說之矣。夫新約之去舊約，其間凡五百餘年，其際言教法者不為少也。當時既有喇噴撒士該之徒，俱宗舊約書奉摩西之教者也。

而一則言人身死其靈不滅致天使別善惡有天堂地獄之報者也一則言人死靈即消散無有天堂使鬼神天堂地獄而不信死後靈魂之果報者也蓋此二教之徒其所宗相同而其言之相反如此者實不可解也舊約傳道之書曰太虛之虛太虛之虛哉凡所有者皆虛也人於日下所歷之勞苦有何益哉一代逝一代又來風行於南復旋於北我專心致志以智慧所作者夫此勞苦也乃神俾世人勞之者視哉皆虛也捕風也又曰神鞠

義人與惡人蓋在彼為諸事為諸工有一定之期蓋所臨人之事亦臨於獸所臨之者是一彼死若何此死亦若何皆同一氣也無人少勝於獸彼皆往至一所皆復歸於塵悉為虛孰能知人之靈昇於上獸之靈下墮於地耶故人莫若樂於己之所作此乃其分也孰能導之使其後將有之事乎由是觀之則唯言天下萬事因真神之命皆有定數而不說死後靈魂之果報者乃固洋教古傳之說而其交說天堂地獄者非彼之古說可知也

將何以徵之乎、舊約書有之曰、耶和華諭摩西曰、若有人獲罪由綿羊群中取無疵之牡者牽至祭司祭司必爲之贖罪於耶和華前則其所行致辜之諸端必見赦矣、又曰凡於安息日操諸工作者必受死、又曰我耶和華爾之神乃嫉妒之神、討父之罪及其子孫至惡我者之三四代、惟愛我而守我誠者則賜恩至於千代、嗚呼夫耶和華者實嫉妒之神而其賞罰之苛酷若是然其賞罰唯言加之於其人代代現生此世者之身上而

未嘗有使其靈魂昇天堂墮地獄之言也、然則天堂地獄之設素非耶和華之意明矣、於是益知其奉菩薩拜偶像以祈冥福說天堂地獄輪迴應報以寓勸懲者斷非洋教古傳之說矣、意乃天竺古來婆羅門之說焉耳、然舊約書謂摩西率以色列民出埃及駐西乃山下時亞倫與衆民取金環鑄一金牛以跪拜、又迦南希臘等舊俗英雄沒後稱之爲菩薩、設塑像以禮拜者不一而足、夫彼邦之民俗既已有然、奉菩薩拜偶像者何也、蓋亞細

亞之西陞、膚接波斯國、古者波斯人有征服以色列民者、又有侵入猶太國者、又傳希臘國、本亞細亞西部之人民、從海陸遷徙、以術傳其土蕃、遂爲國焉、由此等言、謂之則自古亞細亞歐羅巴之人民、彼此相往來、不可疑也、猶且耶和華之語者、譯之則昔在今在後亦在之義、而即與梵語毘盧遮那者、久遠實成之義者、殆同其語意、又或曰洋語所謂峨篤譯神者、即梵語佛陀之音之轉訛者也、其說雖似牽會、豈其保於其必不然乎、然則竺

土之風習、流傳於彼邦、亦不可誣也、乃所以彼邦自古有奉菩薩拜偶像之俗也、而當時摩西既統以色列之民、新爲之君師、故欲勉矯其習弊、使崇已所奉之真神、以建之制度焉、故於其十誡中、禁拜偶像之條、極反復丁寧也、然猶未嘗知有婆羅門、所謂天堂地獄之說也、後迄於耶穌氏、凡千有餘年之際、而婆羅門之徒、有入西域者焉乎、於是天堂地獄之說、又傳彼邦、彼邦之教徒、便剽襲之、裝飾於摩西之十誡、以爲各家教法也、何以證

之遁麟記曰、佛滅後一百年、無憂王會衆僧、敬信  
供養、時有五百羅漢僧、五百凡夫僧、異論紛紜、不  
辨是非、王黨援僧太天者、欲殺諸羅漢、諸羅漢已  
逼命難、咸起神通、作種種形相、凌虛履空、西北而  
去、往迦濕彌羅國、栖止、王生愧悔、遣使請還本國、  
諸羅漢確不從命云云、顧此輩之比丘、入於彼邦、  
傳播所謂小乘法者乎、蓋佛滅後四五百年之間、  
唯小乘法盛行、而太乘法猶未甚行也、彼比丘等、  
所傳者、乃小乘法、而吠喇噴教之徒、所說者、即是

焉也耳、及耶穌氏出、綱羅衆說、取舍折衷、初興一  
軌軸、蓋本之於摩西之十誡、以立真神、而歸夫  
天堂地獄之報於其真神之審判、且自言、我即  
真神之愛子也、故救世之罪者、舍我誰哉、傲然  
自爲基督、乃與釋迦氏、自稱天上天下、唯我獨尊、  
者、同一口氣耳、然耶穌氏若不稱我、真神之愛  
子、自大其言、則安得排衆說而立一派之教耶、是  
復勢之不可已者也、故耶穌教者、亦一種之教法、  
而既非耶和華之訓、又非摩西之法也、於是世

人怪其說皆以爲異端遂陷之死地吁傷哉後之  
奉其教者漫引預言者之言牽強附會欲務神之  
却累耶穌氏之德者多矣或曰耶穌若非基督奚  
其可得爾顯竒特神蹟乎曰所謂神通神蹟者徒  
一時使人發敬信之方便而已曾非有關涉於教  
化之道者也舊約書摩西曰視哉彼必不信我必  
不聽我言彼將曰耶和華未嘗顯現於爾耶  
和華謂摩西曰在爾手者爲何曰杖曰擲之於地  
擲地即變爲蛇又謂曰納爾手入爾懷納於懷出

之其手癩白如雪再又入懷則變與己身無異謂  
曰行此使衆信耶和華倘彼衆不信此二徵又  
不聽爾言則爾取河水傾於槁壤將變爲血云云  
夫耶和華尚不賴竒蹟不復能使衆必信之也  
況於耶穌氏乎故釋迦氏耶穌氏假之以爲一時  
寄衆信之具耳如其是非不足以深辨論也然今  
耶穌氏之徒叨謂凡新竒之事人爲之則怪耶穌  
爲之實非怪也乃神蹟也噫何惑之甚哉今夫概  
論竺洋之二教則彼崇真神此奉梵天彼顯

神蹟此示神通或拜菩薩或禮偶像或說死後靈魂之應報或說天堂地獄之因緣或言天神天使之欽差或言波旬撒但之魔鬼其他誠律祈禱剃髮割禮灌頂洗禮斷食潔齋安息靜坐懺悔悔改救罪贖罪誦經說法撞鐘把數珠之類其小節雖各可有些差於其大體則可莫異義也謂其教理既如彼謂其教條又如此則奚得悉皆舉以爲之出乎暗合冥符乎哉其果從竺傳之洋乎將從洋傳之竺乎我未能斷之也或曰然則二教之所以

異者何曰洋教之事耶和華歸榮真神者即與婆羅門之奉梵天王祈生天者其義何異哉獨釋迦氏在於軼婆羅門欲遠出乎其上矣故謂彼等所奉之梵天王尚頂禮來拜而聽我法焉不啻上之於口顯神通以見其彷彿是婆羅門之徒所以風靡雌伏悉立其下風也然而既以彼所爲重之生於天者爲輕焉則勢不得不破於輪迴應報之說則勢不得不說於三界解脫之法是太乘法之所以因興也法藏經曰佛法中有俗真之



其遺教書地  
二諦於俗諦則假名爲我爲實有故其言涉於彝  
倫之義者不爲少焉則閻羅王經曰人生世間不  
孝父母不敬長老不隨仁義不學經誡不畏後世  
不施貧窮者其魂墮泥犁中若身行善口言善心  
念善見正行正其人壽終生天上或生人間四十  
二章經曰凡人事天地鬼神不如孝其親矣佛本  
行經曰一切衆生類有命皆歸死隨彼善惡行自  
受其果報行惡者入地獄爲善者生天其他猶散  
在於諸經其至於說真諦也乃曰實相無相也無

相實相也空者見之謂之空有者見之謂之有諸  
行無常悉皆空寂也於是乎大小乘法之旨以分  
焉蓋佛隨人之機根能爲之說故細人聽其細者  
大人聽其大者空者聽其空者有者聽其有者皆  
各應其人之機根開悟之矣夫是釋迦氏之所以  
竟異乎耶穌氏也

第十章

天地之始邈矣不可知也造化之秘邃矣不可覩  
也今人以有限之智謂不可覩知之故非僭則濫

也、雖然俯仰覆載間推究天地萬物之所以象形焉、則必不可無其元始之初也、乃老子所謂有物混成、先天地生者乎、噫亦難言矣哉、蓋天地未生之始、混沌溟漠、不可以訓也、然無中有物、一團生意、包藏其中、此乃萬物所資其初之者也、歟、雖則謂之有物、其實無、其唯無矣、故不可有涯也、今以有限之智、言無涯之涯、必當不可不立其極、以爲之限也、故姑謂之有物而立其極焉耳、周易所謂太極是也、太極者、蓋所以限其智也、而其爲物固

無常名、則謂之無乎、不可以爲濫也、謂之有乎、亦不可以爲僭也、然靈妙之機、藹然常存于其中矣、此乃所以人人信於其必不可無物而立其極也、然而各邦之人、隨其所見立其極、亦各不同、故或稱造化、或稱太極、或稱玄牝、或稱上帝、或稱真神、或稱耶和華、或稱梵天、或稱彌陀之類、雖其名各不同、其所以名焉之意、一也、故各邦之古傳、皆以己之邦爲天地開闢之初、以立其極者、如合符節也、然其說皆荒唐不稽、不足

徵信也、夫吾人今日、浴於皇國之恩波者、尊信於  
 吾邦所傳之古說、固其分也、況於其正而詳者、特  
 卓絕于萬邦乎、傳曰、天地未生之時、有神化生名、  
 天之御中主神次、高御產巢日神次、神產  
 巢日神于時國、稚如浮脂、而漂蕩中有一物如葦  
 牙、化為神号、可美葦牙彦舅神次、天常立神、  
 以上五神、稱之別天神次、國常立尊次、國狹  
 土尊次、豐斟淳尊、以上三神、皆獨化之神也、次  
 泥土煮尊、沙土煮尊次、太戶道尊、太苦

邊尊次、面足尊、惶根尊次、伊弉諾尊、伊  
 弉册尊、以上八神、皆男女耦生之神也、自國常  
 立尊迄、諾册二尊、天神相承者七世、是謂天神  
 七代焉、諾册二尊、共立於天、浮橋曰、底下豈無  
 國耶、廼持天瓊矛、探滄溟、其鋒滴凝結成一嶋、名  
 之曰礫馭廬嶋、二尊降居焉、共為夫婦、化生於  
 國土山川草木焉、二尊共議曰、吾已生大八洲  
 國、何不生主天下者耶、於是生大日靈貴、號  
 天照太神、御於高天原、太神之子、號正哉吾

勝速日天忍穗耳尊、太神之孫、號天彥火瓊

瓊杵尊于時、太神勅、皇孫曰、葦原瑞穗國、吾

子孫可王之地也、因使、皇孫率諸神降臨、筑紫

高千穗穗觸之峯焉、而自、太神至、彦波瀲武

鸕鷀草葺不合尊、五世、是謂地神五代、或云、天

孫降臨以來、凡一百七十九萬二千四百七十余

載也、鸕鷀草葺不合尊子、號神日本磐余彥

火火出見尊、率舟師東征、終定中原、元年辛酉、正

月朔、即位於橿原宮、創建萬世無究之鴻基、稱之

曰、神武天皇、是人皇之初也、爾來、皇統赫赫

如太陽、亘天終古、不失其系、躔亘當自今、逆筭歷

歷推其支干也、吁、盛矣哉、夫吾邦自天地剖判、始

有人民以來、天胤一姓、綿綿亘萬古、堂堂以至

今日者、豈其偶然哉、蓋天孫之降臨、天祖傳

之三種神器、玉以比德、鑑以比明、劍以比威、永表

繼天之信、特手授寶鏡、祝曰、視此猶視吾焉、爾來

萬世奉祀之、以仰、天神之遺靈、於是乎、君臣之

分定矣、父子之親敦矣、綱紀億兆、統御萬邦之法

憲肇立矣、傳之千萬世、不可犯也、蓋往古之民、其性淳朴、皆生知奉天神事、君父之義、祭祀之典、遵奉之節、非待教而後知之也、是以無忠之名、自忠、無孝之名、自孝、不教而民化、不威而民服、故祭祀是政、政即是教、祭政維一、政教同歸、此所謂吾邦之神道、而所以維持邦國、統御萬民之大體也、故我神道者、即國家基本之法憲、今日吾人之精神、主腦而不可徒謂之教法也、復非如夫儒佛之強忠孝仁義、銜因果應報之教也、可與儒佛之道

同日而論乎、且夫今日所仰之至尊、即天祖之正胤也、所處之邦土、即天祖之神國也、所交之蒼生、即天神之遺民也、奚可不敬愛之哉、故皇國三千餘萬之人民、常存此心、不一日失敬神愛國之意者、乃所以爲皇國之民也矣、然習與時變、俗隨世遷、天下人民、往往有異趨、舍忽爲精神主腦之大義者、於是乎彝倫之道、不可不講也、教育之方、不可不設也、往昔及吾邦、未講明教法而適方、應神天皇、朝阿直岐王、仁等、自百濟國入

朝貢獻論語千字文儒教孔子之道始入我朝焉夫漢土其風土人情與吾國類似故其教亦與吾政教合一之旨不甚相遠也則其言曰獲罪於天無所禱也又曰知禘之說者之於天下也猶視諸掌乎又曰惟孝友于兄弟施於有政又曰慎終追遠民德歸厚易曰觀盥不薦有孚顒若下觀而化也是皆莫非所以奉天慎祀以布其政教者而其務者孝悌忠信誠意正心之道也其所教者詩書六藝治國平天下之事也即與吾邦祭政惟一

政教同歸之義何以異哉此乃所以能稱我風土人情也故取以爲吾邦之教焉尚且併其文字言語普行之天下迨今日猶用之其至於既舉之廟堂行之天下則不可不謂之吾邦之教也後至欽明天皇朝佛教釋氏之道入焉夫釋氏設其教之科似有與我神道不同者故當時在朝大臣疑議紛紜不肯用之然其勢遂不可遏及聖武孝謙之朝其道大行至伽藍寺院與國府併立且人民之歸依有殆勝乎儒道者矣而退察其爲教

此亦莫非勸善懲惡之意者也。業已至於朝廷用之，人民奉之，則亦不得不以爲吾邦之教也。及儒佛之道併盛行，朝野翕然尊崇之，而抽我神道，置神祇伯於太政之上，以掌朝典祭祀之儀，而後我神道自孤行，祭政遂分爲二途焉。後及佛教之獨盛行也，各宗競力教化人民，究邑僻陬，無不拜佛陀之民，名山勝蹟，無不置塔刹之地，講儒道者，唯止措紳博士之家，其道亦自孤行。於是乎政教又遂分爲二途焉。今夫竊考察吾邦政教之所由來，

則其上古之初，祭政合一，以神武師天下，天下皆唯知奉戴朝憲矣耳。後雖大臣經營私門，豪族割據郡國，土地分裂，海內鼎沸，屢有會國步艱難之際，未嘗有一人覬覦神器者也。我神道之浹洽於人心，可以見矣。然而於其政法，莫不始終原乎儒者也。故古來國家之法典，取乎儒者爲多焉。降迄今日，尚平日通用之文字，言語禮節，風俗皆習襲隱括儒風用之。故吾邦之於儒教，不欲故爲儒，其勢不免竟不爲儒也。即無儒之名，而有儒之實者。

也、然至<sub>三</sub>於其專<sub>ラ</sub>施教<sub>ヲ</sub>於人民<sub>ニ</sub>、遂不及<sub>ル</sub>釋氏之盛也、於是乎所謂神儒佛之三道、如有區別然也、然亦是亦勢之所使<sub>レ</sub>然<sub>ラ</sub>而非道固有異也、然則當今之時、施教<sub>ヲ</sub>法<sub>ヲ</sub>之術<sub>ヲ</sub>將若何而可哉、曰夫我神道者、天祖、天孫之聖謨、所謂皇國之法憲、所以維持綱紀海內之大本主腦、人人不可不各體認之、其身者也、豈安得列之教條之目乎哉、而如其教育人民之法、則宜當本之儒教、以脩孝悌忠信之行、參之佛教、以發勸善懲惡之義、其猶經緯之相依而

奏<sub>スル</sub>機織之功也矣、其大本固根于心地、而經濟鑛山、航海測量、究理舍密等之學科、從事於其所好、鞭其智、馳其才、則其根幹固而不厭枝葉之茂、其源流深而不厭澮溝之多、無學焉不誠實也、夫若此、則進足以參於廟謨、退足以興國利、上智以治天下、中智以利國家、下愚以守其業、人民各率其性、得其所安、以保自主之權、果在于茲哉、日月駸駸、由此進步、則富國強兵之策、可運諸掌上而已、於此乎可謂教法大成也矣、或曰然則耶穌之道、



釋氏ニテ  
ト云フ  
キヤ  
ヤ

如之何、曰、耶穌氏之道、亦勸善懲惡之意也、然徒  
不過為釋迦氏之餘沫耳、吾邦業已取釋氏之道、  
惡復用彼孱孱者為哉、且夫佛教之始入吾邦也、  
尚且有「大非之者焉、蓋其心謂吾邦素既有奉神  
之典、又有孔氏脩身治國之教、不復及用彼釋氏  
矣、然稱目馬子之輩、首崇奉之、其勢終至後世不  
可復挽回、噫、由此言之、則「欽明之朝、於釋迦氏  
既一誤之、豈容再誤於耶穌氏哉、昔者管原道實、  
蒙遣唐大使之命、乃上書謂我朝之禮文既備、無

復學于彼也、請罷之、因始罷遣唐使、當是之時、儒  
風漢學之行、為最盛、且道實其最卓卓者、然復唯  
取彼所長、以補我不足、見彼所優、以脩我不及、舍  
其名、以收其實、不溺於其所好、以損我國體、可謂  
知「太本者」也、今舍其名、取其實、則云「儒云佛、皆吾  
邦之物也、即吾邦之教也、安可立岸崖外之乎、然  
徒泥其名、忘其實、務其末、忽其本者、比比皆是也、  
豈啻於教化之道、然而已哉、噫、

斯道贅言坤終

明治八年七月三日官許  
同十一月二十日出板

撰著者

村松良肅 静岡江川町

静岡西州深町

平山陳平藏板

東京芝三嶋町

山中市兵衛

静岡江川町

廣瀬市藏

發兌

